



## Neviim (prophètes) - Josué

### Chapter 2

- 2,1 וישלח יהושע בן-נון מן-השטים שנים-אנשים מבגלים, חרש לאמר, לכו ראו את-הארץ, ואת-יריחו; וילכו ויבאו בית-אשה זונה, ושמה רחב-וישכבו-שמה.
- 2,2 ויאמר, למלך יריחו לאמר: הנה אנשים באו הנה הלילה, מבני ישראל--לחפר את-הארץ.
- 2,3 וישלח מלך יריחו, אל-רחב לאמר: הוציאי האנשים הבאים אליך, אשר-באו לביתך--כי לחפר את-כל-הארץ, באו.
- 2,4 ותקח האשה את-שני האנשים, לתצפנו; ותאמר כן, באו אלי האנשים, ולא ידעתי, מאין המה.
- 2,5 ויהי השער לסגור, בחשך והאנשים יצאו--לא ידעתי, אנה הלכו האנשים; רדפו מהר אחריהם, כי תשיגום.
- 2,6 והיא, העלתם הגנה; ותטמנם בפשתי העץ, הערכות לה על-הגג.
- 2,7 והאנשים, כדפו אחריהם דרך פירדן, על, המעברות; והשער סגרו--אחרי, כאשר יצאו הרדפים אחריהם.
- 2,8 והמה, טרם ישכבון; והיא עלתה עליהם, על-הגג.
- 2,9 ותאמר, אל-האנשים-ידעתי, כי-נתן יהוה לכם את-הארץ; וכי-נפלה אימתכם עלינו, וכי נמגו כל-ישבי הארץ מפניכם.
- 2,10 כי שמענו, את אשר-הוביש יהוה את-מי-ים-סוף מפניכם, בצאתכם, ממצרים; ואשר עשיתם לשני מלכי האמרי אשר בעבר פירדן, לסיחן ולעוג--אשר החרמתם, אותם.
- 2,11 ונשמע ימס לבבנו, ולא-קמה עוד רוח באיש מפניכם: כי, יהוה אלהיכם--הוא אלהים מפעל, ועל-הארץ מתחת.
- 2,12 ועתה, השבעו-נא לי ביהוה, כי-עשיתי עמכם, חסד; ועשיתם גם-אתם עם-בית אבי, חסד, ונתתם לי, אות אמת.
- 2,13 והתיים את-אבי, ואת-אמי, ואת-אחי, ואת-אחותי (אחיותי), ואת, כל-אשר להם; והצללתם את-נפשתינו, ממות.
- 2,14 ויאמרו לה האנשים, נפשנו תחתיכם למות, אם לא תגידו, את-דברנו זה; ויהי, בדת-יהוה לנו את-הארץ, ועשינו עמך, חסד ואמת.
- 2,15 ותורדם בחבל, בעד החלון: כי ביתה בקיר החומה, ובחומה היא יושבת.
- 2,16 ותאמר להם ההרה לכו, פו-יפגעו בכם הרדפים; ונחבתם שמה שלשת-ימים, עד שוב הרדפים, ואחר, תלכו לדרככם.
- 2,17 ויאמרו אליה, האנשים: נקים אנחנו, משבעתך הנה אשר השבעתנו.
- 2,18 הנה אנחנו באים, בארץ; את-תקות חוט השני הזה תקשרי, בחלון אשר הורדתנו בו, ואת-אבין ואת-אמן ואת-אחין ואת כל-בית אבין, מאספי אליך הביתה.
- 2,19 ויהי כל אשר-יצא מדלתי ביתך החוצה, דמו בראשו--ואנחנו נקים; וכל אשר יהיה אתך, בבית--דמו בראשו, אם-יד תהיה-בו.
- 2,20 ואם-תגידו, את-דברנו זה--והיינו נקים, משבעתך אשר השבעתנו.
- 2,21 ותאמר כדבריהם כן-הוא, ותשלחם וילכו; ותקשר את-תקות השני, בחלון.
- 2,22 וילכו, ויבאו ההרה, וישבו שם שלשת-ימים, עד-שבו הרדפים; ויבקשו הרדפים בכל-הדרך, ולא מצאו.
- 2,23 וישבו שני האנשים, וירדו מההר, ויעברו ויבאו, אל-יהושע בן-נון; ויספרו-לו--את כל-המצאות, אותם.
- 2,24 ויאמרו, אל-יהושע, כי-נתן יהוה בידנו, את-כל-הארץ; וגם-נמגו כל-ישבי הארץ, מפנינו. {ס}